

# Tej Yam Uas Yuav Tshwm Sim Yog Tias Txoj Kev Cog Xas Raug Txwv Hauv

Lub Tsib Hlis Ntuj 2023

Txoj Cai Thov Kom Dhau 64 yog los thov kom lub xeev tswj txoj kev cog xas ua lag luam tiamsis kom tso cai rau cov zos – cov nroog thiab cov cheeb nroog – los “tswj rau lub zos” seb lawv yuav tswj txoj kev cog xas ua lag luam li cas thiab nyob ntawm seb puas pub. Tamsim no, ntau tshaj ob feem peb ntawm cov zos hauv Kaslisfausnias raug txwv tsis pub cog xas ua lag luam lawm.

## Co kev txwv no yuav siv ntau yam los ntawm lub zos

Feem ntau cov neeg uas nyob Kaslisfausnias yeej nyob rau tej co zos uas raug txwv

Cov neeg uas nyob feem coob rau cov zos ntawd raug txwv tsis pub lawv tau daim ntawv tso cai los cog thiab tsis pub lawv muag raws cai, qhov no tsim tau ntau cov kev tsis ncaj ncees. Ntxiv ntawd, ntau lus zos tsim tau txoj ca txwv uas “tswj tau txawm tsis tau muaj txoj cai kav” los ua kom kim rau txoj kev cog los siv rau yus tus kheej thiab los siv ua tshuaj, uas yuav txiav txoj kev rau tib neeg los siv, nws yuav yim huab nyuaj rau cov neeg pluag, uas yog cov laus, lossis rau cov tibneeg uas nyob deb ntawm nroog.

## Cov kev txwv siv nom tswv cov nyiaj xtiag thiab lub sijhawm khiav dej num

Cov zos feem coob txwv txoj kev cog xas vim lawv txhawj tias lawv yuav tsis muaj nyiaj thiab sijhawm los yog neeg txaus los tswj saib xyuas. Txoj kev tsim cov kev pab cuam los saib xyuas txoj kev cog xas yog ib qho teeb meem rau cov tsoom fwv hauv lub zos uas tau nyiaj tsawg los ntawm cov nom tswv. Tiamsis mas cov kev txwv twb kim kawg los tsa thiab tswj thiab nws yuav noj lub zos cov nyiaj uas lawv yuav siv tau rau lwm yam uas tseem ceeb tshaj.



## Ntau lub chaw haujlwm yeej tswj tau txoj kev cog, tiamsis mas sijhawm dhau mus peb tsis paub seb nws puas pab tau zoo tiag

Txoj kev khoo kom txwv tej yam kev cog uas tsis raws cai yeej ua tau yog tias muaj kev pab ntau txaus thiab muaj ntau lub chaw haujlwm rau siab los saib xyuas. Tiamsis mas, thaum cov cai nruj heev nws yuav txhawb cov neeg cog mus rau lwm thaj chaw xwb, tom qab cov cai rov qab xoob zog tuaj ces lawv yeej yuav rov qab ua li qub, thiab ntau cov tsoov fwv haus zos tsis muaj nyiaj txaus los tswj cov cai no kom nruj.

### Daim Duab Thib 1:

Daim duab (sab laug) qhia cov chaw muaj cai cog xas ua lag luam yog cov xim ntsuab thiab cov raug txwv tsis pub cog yog cov xim majkiab (Lub Tuam Tsev Haujlwm Tswj Xyuas Xas, cannabis.ca.gov, 2023).

Daim duab (sab xis) qhia cov cheeb nroog uas pov npav tias pom zoo rau Txoj Cai Thov 64 yog xim xiav thiab cov tsis pom zoo yog cov xim majkiab (CA NORML, 2023).



# Tej Yam Uas Yuav Tshwm Sim Yog Tias Txoj Kev Cog Xas Raug Txwv Hauv



## Kej Ncaj Ncees Rau Txhua Tus

Cov kev txwv ntawm no yuav raug lub zos cov nyiaj xtiag thiab tsis ncaj ncees rau cov neeg muaj thiab cov neeg pluag

Txawm tias cov pej xeem uas muaj nyiaj yuav tsiv mus nyob tau rau cov thaj tsam uas tsis raug txwv thiab yeej ua tau raws li lawv cov cai thov nyuab thiab kim, cov tib neeg uas tsis muaj npe thiab tsis muaj nyiaj (piv txwv tias cov uas neeg pluag, cov tsis paub hais lus Askiv, cov tibneeg khiav txawv tebchaws tuaj, lossis cov tibneeg uas yog haiv neeg tsawg) yuav ua tsis tau li ntawd.

Cov cai tswj txoj kev cog ua rau cov haiv neeg thiab tej pab pawg neeg muaj kev tsis sib haum xeeb

Cov kev txwv yuav ua rau cov tibneeg nyob sib ze thiab cov tib neeg mus ub mus no hauv zos muaj teeb meem. Txoj kev ntshai muaj teeb meem yuav ua rau pab neeg tsa tsis tau suab los hais lus tawm-cov yuav tswj kom lawv nyob ntsiag twb yog cov tsis nyiam xas thiab lawv cov tswv yim yog los ntawm txoj kev ntxub ntxaug nrog ib pab haiv neeg-pab pawg neeg twg.

Cov kev txwv hauv cov cheeb nroog yuav ua rau tej pawg neeg tswj lagluam thiab yuav ua rau lawv muaj neeg nyob sab nraum nroog ntau heev

Thaum cov nroog uas txwv ho tso cai pub rau tibneeg cog, lawv kuj ua tau lawv lub nroog txoj kev nyiaj xtiag loj hlob mus zoo dua.

Cov neeg cog yeej yuav rau siab thiab nrhiav lwm txoj kev tshiab los cog yog tias txoj kev cog yeej ua tau nyiaj

Tom qab tibneeg tau kev tso cai, txoj kev xtiag txim los cog yog vim lawv ua tau nyiaj, tsis yog vim kev lig kev cai dabtsi. Thaum lub nroog rau txim rau txoj kev khwv nyiaj li no nws yeej yuav tsis tsum tibneeg los cog thiab nws tsuas yog los rau txim rau tibneeg txawm tias txoj kev cog xa tsis yog ib yam kev txhaum plaub. Cov kev uas yuav pab kom muaj cov neeg tsis muaj laisxees cog tsawg zog tuaj yog : a) cov nqi muag xas poob tsawg zog lossis tibneeg tsis yuav; lossis b) muab hloov rau lawv los muag raws cai.

## Qhov Peb Xav Kom Pom Ntawm Cov Cai

- Kev tiv thaiv loj zog thoob plaws lub xeev rau cov kev cog xas los yog siv kho mob thiab siv rau lawv tus kheej
- Kom lub xeev tsim ib co cai kom dav zog thiab ncaj ncees rau cov ua cog me me
- Rov kho cov cai tswj xyuas
- Kho tsim ib co cai tshiab rau lub xeev cov chaw ua haujlwm, lub tshwj xeeb tshaj yog lub CDFW
- Tsim ib pab DCC los saib xyuas cov cai txwv rau cov zos

Yog tias koj xav paub ntxiv, mus saib:[crc.berkeley.edu](http://crc.berkeley.edu) or contact [margiana@berkeley.edu](mailto:margiana@berkeley.edu) or [mpolson@berkeley.edu](mailto:mpolson@berkeley.edu)  
Cov lus yog muab los ntawm: Petersen-Rockney, M., Polson, P., Getz, C.2023. *Consequences of Local Cannabis Cultivation Bans on California Communities*, University of California, Berkeley, CA.